



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Nescire eos, quid appetant, qui opes appetunt.

urn:nbn:de:hbz:466:1-45699

Stobæus
serm. 17.

que necessaria forent, cum ditare, quam ditescere magis regium esse di-
ditaret. Quin ipse Epicurus, quærenti, quo modo quis ditesceret,
respondit: Non augendo opes, sed minuendo cupiditates. Et quoniam

Crescit amor nummi, quantum ipsa pecunia crescit,

debet amorem nummi minuere, quisquis vult minuere cupidita-
tem. Quamdiu autem cupidus manet, verè diues non est. Etsi
enim habeat multa, tamen ostendit, se egere multis, si cupit multa.
Diuitiem autem esse, non est, habere multa, sed non indigere mul-
ta. Sicut satur non est, qui adhuc sitit, aut esurit, et si plurimum
vorauerit, aut potauerit; is autem, etiam si patrum comederit, aut
biberit, satur vocatur, quem nec fames vrget, nec sitis vrit: ita
ille diues non est, qui quamvis multas diuitias sit consecutus, ta-
men plures appetit, quippe quia auri sacram famem non extinxit;

ille autem, qui opes contemnit, diues est, quia habet quidquid cu-
pit. Inde igitur felicior est, unde dicitur, & inde dicitur, unde pau-

Prou. 12. 9. perior. Et hoc est, quod diuinæ litteræ aiunt: *Melior est pauper &*

Prou. 13. 7. *sufficiens sibi, quam glorioſus & indigens pane: itemque. Est quasi di-
unes, cum nihil habeat; & est quasi pauper, cum in multis diuitijs sit.*

S.Hieronym. Appositè D. Hieronymus: *Habeat quis multas pecuniarum faculta-
tes, inquit, si in eis non extollitur, pauperem; non habeat aliquid, &
cupiat, & infletur, inter diuites reprobos eum deputat Dominus: quia
diuites & pauperes in corde interrogat Deus, non in arca, aut in domo.*
Quin & apud homines diuitiae sunt maximæ, non egere diuitijs; &
ille est pauperior, qui pluribus eget: pauperrimus ergo, qui quam
plurima concupiscit, quia ostendit se quam plurimis indigere. Ta-
lis autem est, quisquis

Senee in Componit opes gaziis inbiens,
Herc. Futen- Et congeſto pauper in auro est.

te.

C A P V T IV.

Acquisitio, possessio, amissio diuitiarum quantis miseriis
fit obnoxia?

I.



Vi, ex istorum sententia, pauperes iudicat esse diuitibus
feliores, latatur, non queritur, si opibus amissis in sta-
tum incidit feliciorum; satisq; se opulentum arbitratur,
qui

qui videt sibi nihil deesse. Cui autem appetenda videntur diuitiae, demonstrat se tamquam famelicum nondum esse satiatum, illudque ipsum, quod appetit, sibi deesse profitetur; atque eam ipsam ob causam non negat se egere. Itaque melior est pauper & sufficiens sibi, quam gloriosus & indigens pane,^{Pro. 12. 9.} neque enim eo, quod habet contentus est; cum interea pauper sufficiat sibi. Hoc planè ita est, & tamē tantus mortalium numerus censem diuitias, præ paupertate, appetendas. Et ista sententia, ait S. Chrysostomus, non solum terra mariq[ue] sernatur, sed usque ad ipsas nubes, & sidera ascendit. Noni & ego, quod non tam ista sententia, quam flamma est, qua & istum vastat orbem terrarum, & qui extinguat quidem nullus est, qui accendant verò & magis magisque inflammat, multi sunt; omnes enim facient huic malo, non solum illi qui ab eo capti sunt, sed & qui nondum illuc videntur ingressi, & unquamq[ue] hominem videns, siue vir ille, siue feminasit; seruus, aut liber, diues, aut pauper, pro viribus suis incendio huic, materiam & onera comportare, & die ac nocte in eius ministeriis vigilare. Onera dico non ligni, aut fæni: non enim talis est flamma, qua ista consumat, sed anima sua & corporis, iniqua & iniusta ei opera deferunt, his enim acceditur ignis iste. Nam & ipsi dinites etiam sitotum orbem effere posibile possideri a singulis, adhuc in desiderio eius arderent: pauperes verò, dum cupiunt diuitibus exequari, insatiabilem rabiem patientur, insaniunt, furunt, & in tantum amor pecunia omnem animam fatigat, ut nec coniugis aut filiorum amor locum det: quibus affectibus. inter homines nihil preferitur: amor autem pecunia omnia hac huiusmodi deicit, & pedibus conculet. Ita velut fera quedam, & domina crudelis omnium possidet corda, & tyrannica dominatione deuincit, sauit ut barbarus, feruet crudeliter ut tyrannus, debacchatur impudenter ut meretrix, nusquam miseretur, nusquam pudet, terribilis & dira est, & tamen suavis, & amabilis hominibus videtur, & dulcior melle, cum ipsa eis precipitia quotidie paret. Expetitur hoc ab eis, & adhuc desideratur, & per innumeras mortes latantur se ad eius ianuas saltem peruenisse: volunt namque in cano eius, tamquam siue delectantur, & ut chantari sterlus eius enoluere. Quo modo ergo sanabimus mentes huiuscemodi, irrationalibia illa, qua diximus, qua se huiusmodi sordibus volant? Transferri ab his non possunt, utpote intellectu, & ratione carentia: nobis autem nunc sermo ad homines habetur, quibus

30 Cap. IV. Miseria in acquirendis, retinendis, & amittendis diuitijs.

intellectus inest, Superest, ut audire velint, & facile de eo no isto poterunt liberari. Audiant ergo, quid secum ferat diuitiarum acquisitionis, quid pariat eorumdem possessio, quem dolorem relinquat illarum amissio, si appetantur, aut nimium amentur, discantq; amorem deponere, & frangere tam noxium appetitum. Multi enim etiam olim opes rem *quaesitu* difficilem, custoditu anxiā, amissu *flebilē* vocauēre.

Francisc. Pe-
trarcha. c. 53.

II.

Frangetur autem in primis, si perpendere velimus ipsum appetitum, qui cum diuitiarum acquisitione coniunctus est, immo & precedit. Cura enim nimia & intempestivum studium rerum temporalium voluntatem intemperanti affectu inuisitam rapit, vt nihil non molietur, solliciteq; scrutetur omnia, ne ab eorum adiectione impedita voto suo excidat. Per hoc ardens desiderium voluntas capta, etiam intellectum in rem amatam defigit, atque ad eam irrequieto motu vilibet vestigandam, suprà quam mediocritatis fines ferant, circumagit, idcirco exsculpuntur imprudentia iudicia, ob quae spinosae illae sollicitudines inter peccata prudentiae opposita numerantur. Sollicitudo enim nimia rerum caducarum rationem absorbet, nimijs cogitationibus, de eiusmodi bonis acquirendis, vel conseruandis, vel non amittendis: quod est prudentiae aduersum. Accedit, quod effrenis amor rerum instarum etiam faciat temporalia, quae avarus sibi tamquam fines proponit, non, qualia in se sunt, apparere, sed qualia iuxta prauum amorem dispositionemq; hominis apparent. Hinc imprudens & peruersum de rebus iudicium existit. Atque idcirco D. Chrysostomus ait, *amorem pecunia euertere, seu deicere, & pedibus conculcare eos affectus, quibus inter homines nihil prefertur, adigere ad insatiabilem rabiem, facere ut insaniant & furant, atque, uno verbo, ut ex hominibus ad alia natu, tyranni, barbari, denique feræ fiant.* Qua de causa & Aristoteles monet, homini qui prudentiam amat, cauendum esse affectum prauum, quo intellectus per consensum obtenebratur, & à formatione veri de rebus iudicij abducitur; & cæsus fit ibi, vbi se maximè putat esse oculatum. Scitè D. Laurentius scribit, hanc esse prudentiam terrenam, de qua scriptum censet illud Baruch: *Fili Agar qui exquisierunt prudentiam, quæ de terra est, negotiatores Merrha, & Theman, & fabula- tores.*

Laurent. In-
stio in ligno
vitæ tractat, 4.
cap. 5.